

ԼԵԶՎԻ ՔԱՂԱՔԱԿԱՆ ԳՈՐԾԱՌՈՒՅԹԸ ԱՐԴԵՆ ՈՐՊԵՏ
ԱՌԱՆՁԻՆ ԳՈՐԾԱՌՈՒՅԹ

Թեև քաղաքականության լեզվի վերաբերյալ բավականին աշխատություններ կան, սակայն ոչ բոլորում են լեզվաբանները անդրադառնում լեզվի քաղաքական գործառույթին՝ արդեն որպես առանձին գործառույթի:

Ե.Ի. Շեյգալը իր «Քաղաքական խոսույթի նշանագիտությունը» /1/ գրքում առաջարկում է ոչ թե լեզվի մեկ, այլ մի քանի քաղաքական գործառույթներ: Ըստ նրա՝ յուրաքանչյուր խոսույթի գործառույթները դուրս բերելիս պետք է հաշվի առնել երկու գործոն.

1. Ժամանակակից լեզվաբանության մեջ ընդունված լեզվի գործառույթների համակարգը (Կ. Բյուլեր, Ռ. Յակոբսոն),

2. Տվյալ խոսույթի նպատակը:

Առաջին գործոնի կարևորությունը կայանում է նրանում, որ լեզվի հիմքային գործառույթները այս կամ այն չափով առկա են լեզվի յուրաքանչյուր օգտագործման ժամանակ, և անհրաժեշտ է որոշել, թե վեց հիմքային գործառույթներից որին է հակված տվյալ խոսույթը: Կոնկրետ քաղաքական խոսույթի համար Ե.Ի. Շեյգալը առանձնացնում է կոնատիվ գործառույթը, ընդ որում նա նախընտրում է օգտագործել «կարգավորող գործառույթ» (регулятивная функция) տերմինը, քանի որ «այն ընդգրկում է լեզվի դերը հասցեատիրոջ վարքի կարգավորման մեջ» /1; 33/, և վերաբերական գործառույթը, որը միախառնվում է մոգական գործառույթի հետ, քանի որ քաղաքական խոսույթում քաղաքական իրականությունը կառուցվում է:

Ինչ վերաբերում է երկրորդ գործոնին, ապա Ե.Ի. Շեյգալը գտնում է, որ քաղաքական խոսույթի նպատակն է հանդես գալ որպես քաղաքական իշխանության գործիք, իսկ քաղաքական իշխանություն ասելով նա նկատի ունի իշխանության համար պայքարը, իշխանության տիրացումը, պահպանումը, իրականացումը, կարգավորումը և դասակարգումը: Այս նպատակին հասնելը նա համարում է քաղաքական խոսույթի գլխավոր գործառույթը, որը, սակայն, իրականացվում է հետևյալ հինգ քաղաքական գործառույթների միջոցով.

1. Քաղաքականության կուսակցական անդամների միավորման ու տարբերակման գործառույթները,

2. Թշնամության և ներդաշնակության (կոնֆլիկտ և համաձայնեցում) գործառույթները,

3. Գործունեություն իրականացնելու և տեղեկատվական գործառույթները, այսինքն՝ քաղաքական գործիչների կողմից քաղաքական գործունեության իրականացումն ու դրանց մասին տեղեկացնելը,

4. Մեկնաբանման և կողմնորոշման գործառույթները, այսինքն՝ քաղաքական դաշտի լեզվական իրականության ստեղծումը և տվյալ իրականության մեջ գոյության պահպանումը,

5. Ղեկավարող և դրդիչ (побудительная) գործառույթները, այսինքն՝ հասարակության գիտակցության մանիպուլյացիան և գործունեության մղումը:

Թեև Ե.Ի. Շեյգալը ճիշտ է նկատել քաղաքական խոսույթի առանձնահատկությունները, սակայն գործառույթները դուրս բերելիս նա հիմք է ընդունել էմպիրիկ մոտեցումը, այսինքն՝ սահմանում է դրանք՝ ելնելով քաղաքական տարբեր իրավիճակներում լեզվի կիրառությունից:

Դ. Գրեյբերը /2/ նույնպես առանձնացնում է ոչ թե լեզվի մեկ, այլ մի քանի քաղաքական գործառույթներ.

1. Տեղեկատվության տարածման գործառույթը, այսինքն՝ տեղեկացնել այն, ինչ տեղի է ունենում քաղաքական հանրությունում, ընդ որում տվյալ տեղեկատվությունը կարող է հանդես գալ հարցազրույցների, պրես-կոնֆերանսների, ոչ պաշտոնական այլ զրույցների տեսքով: Այս տեղեկատվությունների առանձնահատկությունն այն է, որ բացի էմպիրիցիտ տեղեկատվությունից, տրվում է նաև իմպլիցիտ տեղեկատվություն:

2. Օրակարգի հաստատման (agenda setting) գործառույթը, այսինքն՝ քաղաքական գործիչները որոշում են, թե որ թեմաների վրա պետք է բեռնել հանրության ուշադրությունը, և որոնք պետք է մնան ստվերում, ընդ որում, այն թեմաները, որոնք արժանանում են հանրության ուշադրությանը, որոշում են նաև տվյալ հանրության գործունեության տիպը:

3. Ապագայի և անցյալի մեջ պրոյեկտումը, այսինքն՝ քաղաքական խոսույթը ուղղված է ապագան կանխատեսելուն և անցյալը վերաստեղծելուն:

Եթե Ե.Ի. Շեյգալը անդրադառնում է լեզվի հիմնական գործառույթների համակարգին և փորձում է որոշել, թե դրանցից որին է հակված քաղաքական խոսույթը, ապա Դ. Գրեյբերը ընդհանրապես չի անդրադառնում դրանց և նորից տալիս է լեզվի քաղաքական գործառույթների էմպիրիկ սահմանում:

Վ. Զ. Դեմյանկովը իր «Քաղաքական խոսույթը որպես քաղաքագիտական բանասիրության առարկա» /3/ հոդվածում նախ առաջարկում է, որ քաղաքական խոսույթը դիտարկվի երեք տեսանկյունից.

1. Բանասիրական, ինչպես յուրաքանչյուր տեքստ, որը կուսումնասիրի քաղաքագիտական բանասիրությունը,

2. Սոցիալ-հոգեբանական, երբ պետք է որոշել հասցեագրողի քաղաքական նպատակներին հասնելու արդյունավետությունը, որը կուսումնասիրի քաղաքագիտական գրականագիտությունը,

3. Անհատահերմենևտիկական, երբ որոշակի պայմաններում պետք է վեր հանել հասցեագրողի կամ մեկնաբանի անձնական իմաստները, որը կուսումնասիրի քաղաքագիտական լեզվաբանությունը:


Սիայն տվյալ երեք դիսցիպլինների միավորման արդյունքում հնարավոր կլինի ամբողջապես վերլուծել քաղաքական խոսույթը: Իսկ քաղաքական խոսույթի հիմնական նպատակը, գործառույթը նա բնորոշում է հետևյալ ձևով. «Քաղաքական խոսույթի հասարակական առաքելությունը կայանում է հասցեատերերի մոտ «քաղաքականորեն ճիշտ» գործողությունների և գնահատականների անհրաժեշտությունը ներշնչելու մեջ: Այլ կերպ ասած՝ քաղաքական խոսույթի նպատակը ոչ թե նկարագրելն է, այլ հասցեատերերին համոզելը, նրանց մոտ մտադրություն ստեղծելը և գործունեության մղելը» /Լույս տեղում; 38/:

Եթե փորձենք որոշել, թե Վ. Ջ. Դեմյանկովի նշած քաղաքական խոսույթի նպատակը լեզվի հիմնական գործառույթներից որին է համապատասխանում, ապա կտեսնենք, որ դա «դու» դերանվանը համապատասխանող գործառույթն է՝ կոնատիվը: Սակայն միայն կոնատիվ գործառույթի հաշվի առնելը ոչինչ չի ասում քաղաքական խոսույթի առանձնահատկությունների մասին:

Երբեմն լեզվաբանները չափազանց լայն են ընկալում «քաղաքական» տերմինը, օրինակ՝ Ջ. Փ. Ջիին /4/ գտնում է, որ լեզվի յուրաքանչյուր օգտագործում քաղաքական է, քանի որ այն օգտագործողը դրա միջոցով տալիս է իր պատկերացումը, թե ինչպես են հասարակական բարիքները բաշխված կամ ինչպես պետք է բաշխված լինեն: Իսկ հասարակական բարիքներ ասելով նա նկատի ունի այն ամենը, ինչ որևէ մարդկային խումբ հավատում է, որ իշխանության, կարգավիճակի կամ արժեքի աղբյուր է՝ լինի այն դրամ, սեփականություն, խոսքային կարողություն, տեսակետներ, կարծիքներ, գիտելիքներ, բարոյականություն, հեղինակություն, և այլն. «Երբ մենք գրում կամ խոսում ենք, մենք միշտ ինչ-որ հեռանկար, պատկերացում ենք կազմում, թե ինչպիսին է աշխարհը կամ ինչպիսին պետք է լինի, այսինքն՝ պատկերացնում ենք, թե ինչն է նորմալ, ինչը՝ ոչ, ինչն է ընդունելի, ինչը՝ ոչ, ինչն է ճիշտ, ինչը՝ ոչ, ինչպիսին է իրադրությունը, ինչպիսին չէ, ինչպիսին

6. Հասցեագրողի և հասցեատիրոջ միջև շփման միջավայրը՝ այն մյուսական շերտը,

որով հաղորդվում է խոսքը, ինչպես նաև առաջացող հոգեկան կապը՝ շփման գործառույթ:



Ռ.Յակոբսոնը նշում է, որ տվյալ մոդելը իրենից ներկայացնում է լեզվի հիմքային գործառույթների համակարգը, որից, սակայն, կարելի է երկրորդական գործառույթներ դուրս բերել, և ինքը տվյալ դեպքում դուրս է բերում մոզական գործառույթը, որը նա բնութագրում է որպես հասցեատիրոջ մասնատում. «Սա կարծես թե բացակայող կամ անշունչ երրորդ դեմքի փոխակերպումն է որպես կոնատիվ հաղորդման հասցեատիրոջ» /6; 200/:

Ս.Տ. Ջոյանը գտնում է, որ նման սկզբունքներով, այսինքն՝ Ռ.Յակոբսոնի առաջարկած մոդելը դիտարկելով որպես սերող համակարգ, կարելի նաև երրորդ կարգի գործառույթ դուրս բերել, երբ բացակայող կամ անշունչ երրորդ դեմքը փոխակերպվի ոչ միայն հաղորդման հասցեատիրոջ, այլև հասցեագրողի. «Այդպիսի օրինակներ են այն տեքստերը, որտեղ իշխանությունն ու իր ինստիտուտները արտահայտում են իրենք իրենց՝ «Մենք՝ ժողովուրդը», «Մենք՝ ՄԱԿ-ը»: Նման արտահայտությունները կենտրոնացնում են իրական հասցեագրողների դեանձնավորման վրա, իշխանությունը ձգտում է ինքն իրեն արտահայտել կիսաշնչավոր սուբյեկտի մեջ: Այս գործառույթի վրա կարող է կենտրոնացնել արդեն երրորդ կարգի՝ բոնատիրական /узурпаторская/ գործառույթը, երբ շնչավոր հասցեագրողը խոսում է անշունչ իրեշի /левшафан/ անունից: Քաղաքական գործողության և ծիսակատարության կապը արտացոլվում է որպես մոզական գործառույթը իրեշայինի փոխակերպվելու հնարավորություն: Ինչպես տեսնում ենք տվյալ դեպքում նույնպես հնարավոր է

հասցեատիրոջ/հասցեագրողի մասնատում՝ առանց որևէ բանաստեղծական էֆֆեկտի» /7; 644-645/: Այդ մասնատումը կամ լեզվի քաղաքական գործառույթի կառուցվածքը գրաֆիկորեն կարելի է ներկայացնել հետևյալ ձևով.

Ես

Նշանակյալ	Նշանակիչ Դու		
	Նշանակյալ	Նշանակիչ Նա	
		Նշանակյալ	Նշանակիչ

Այսպիսով, մենք գտնում ենք, որ լեզվի քաղաքական գործառույթի՝ մեր կողմից առաջարկված մոդելը ավելի կատարելագործված է, քանի որ դուրս է բերված ըստ լեզվի կառուցվածքի և համակարգի:

Գրականության ցանկ

1. Шейгал Е.И. "Семиотика политического дискурса." М., 2004.
2. Graber D., "Political Languages". // Handbook of Political Communication. Beverly Hills , London: Sage Publication, 1981, p. 195-224.
3. Демьянков В.З., "Политический дискурс как предмет политологической филологии." // Политическая наука. Политический дискурс: История и современные исследования. М.: ИНИОН РАН, 2002, N3, стр. 32-43.
4. Gee P.J. "An Introduction to Discourse Analysis. Theory and Method." London and New York, 1999.
5. Бюлер К. "Теория языка (извлечения)." // Звегинцев В.А. "История языкознания 19-20 веков в очерках и извлечениях", М., 1965, ч.2 , стр. 22-37.
6. Якобсон Р.О. "Лингвистика и поэтика." // Структурализм §за! и §против!, М., 1975, стр. 193-230.
7. Золян С.Т. "Языковые функции: возможные расширения модели Р. Якобсона." // в Р. Якобсон, "Тексты, документы, исследования." РГГУ, 1999, стр. 638-647.